



G.

Q. II, 109.

Tab. I, 264. etc.

- 1.
- 2.
- 3.
- 4.
- 5.
- 6.
- 7.
- 8.
- 9.
- 10.
- 11.
- 12.
- 13.
- 14.
- 15.
- 16.
- 17.
- 18.
- 19.
- 20.
- 21.
- 22.
- 23.
- 24.
- 25.
- 26.
- 27.
- 28.
- 29.
- 30.
- 31.



30
29



Percepta SYNOPSIS
VITÆ ET RERVM
GESTARVM

TRIVMPO-
TENTISS. PRINCI-
PVM SAXONIAE
ELECTORVMQ.
IMPERII

Nimirum

MAVRITII
AVGVSTI &
CHRISTIANI

piæ recordationis,

I E N Æ

Typis Tobiaë Steinmanni Anno 1597.



D
n
c
n
f
e

Fragment of a stamp or label, partially obscured by a piece of tape.

Fragment of a stamp or label, partially obscured by a piece of tape.

REVERENDIS, MA-
GNIFICIS ET AMPLISSI-
mis Nobilibus,

ni Lösero, in Pretzsch: Electora-
tus Saxoniae Marschallo hæreditario & præfidi
præpositoq; Episcopatus Numburgensis.

Dn. Joanni Ernesto ab. Haugwitz præfidi
& Capiteo Cizensi.

Dn. Abrahamo Bockio in Salhausen.

Dn. Ottoni à Detteborn.

Dn. Georgio à Schleinitz in Stauchitz.

Dn. Joanni Friderico à Schonbergk, præfi-
di Electoralis curiæ & Capiteo Vuitebergensi.

Dn. Henrico à Schonbergk in Frauen-
stein.

Dn. Ottoni Pflugio in Sthrela.

&

Dn. Henrico à Bunau in Tretzsch.

*Consiliarijs intimis Inclytæ domus Saxonice, & oculis
Patriæ conspicuis: Dominis suis submissè &
officiosè colendis,*

dedicat & consecrat

Ma.

Magna per se virtus profectio atque
pietas est. Nobilissimi amplissi-
mique Heroes, non solum patri-
am, sed in primis etiam in ea bonos & v-
stantes principes, tanquam *κοιμήλιον* amare,
eosque omnis fidelitatis, Venerationis
& subjectissimæ obedientiæ studiis orna-
re, atque eo etiam modo patriæ salutem,
& organa salutaria quibuscunque licet
modis & officiis juvare. Cum igitur &
V. M. Virtus & sapientia præclara cum
eximia eruditione, rerumque usu conjun-
cta nota sit Patriæ, & comperta præterea
fides erga Principes, & animi æquitas er-
ga homines universos & singulos, præ-
sertim erga literas, literatosque humanitas
atque benevolentia singularis: non sum
veritus hanc qualemcunque opellam, &
animi mei propensam & egregiam vo-
luntatem erga patriam, principesque ob
maximorum beneficiorum acceptorum
memoriam, sub V. M. nominum auspi-
cio in publicum typis emittere, submis-
sè & officiosè petens, ut hoc munuscu-
lum

lum literarium boni consulatis, & ex ve-
ra affectione profectum omnino vobis
persuadeatis. Deus optimus Maximus
vestris conatibus adsit, largiatur vo-
bis diuturnam in administrandis rebus
tranquillitatem, bonam Ecclesiæ, Schola-
rum & Oeconomiarum constitutionem,
& ab omnibus malis vos immunes con-
servet. Bene & feliciter V. M. valere o-
pto. Profesto Iohannis Evangelistæ
Anni 1598.

Laurentius Peccenstenius
Autor.

INSIGNIA PRINCIPVM
Saxoniae.



*Imperij, PAX & bellum duo tempora: belli
Enses, & pacis Symbola Rota gerit.*

Nicol: Reusn: D.



I.

MAVRITIVS

DUX SAXONIAE PRIM
perij Septemvir & c. Henrici filius,
Alberti nepos.

ORTVS.



RIGINE ME FAMI-
lia vetusta ac nobilissima VViti-
chindi Magni Saxonum & Anga-
riorum Regis, qui vixit anno Chri-
sti 785. & à Carolo Magno Impe-
ratore Romano ad veram Christi religionem
adductus est, stirpe Saxonica habuit, nusquam
interrupta sanguinis serie, uti Spalatinus & alii
eum seculi deriuant.

AVVS.

Auus Mauritiij Albertus, Princeps non bel-
lica solùm virtute nulli secundus, verùm etiam
pacis artibus, & domestica disciplina cœteris sui
loci omnibus præstans, maximis rebus pro Ma-
ximiliano I. Romanorum Rege in Belgico, ad-
versus regem Vngariæ Mathiam in Austria ge-
stis clarissimus. Dexterâ manus Imperij In-
nocentij VIII. PP. literis nominatus.

Pater



Pater.

Pater HENRICVS, primò in iuuentute Fri-
siae ostio insulae & Amasis interiectae à patre
Alberto praefectus, & seditiosae multitudinis re-
bellantis impetu furioso in oppido Francica ob-
sessus in summo vitae discrimine versatus, & à
patre tandem liberatus est. Deinde ut peregrina-
tione prudentiam aleret, & variorum popu-
lorum instituta, & mores cognosceret, fortè et-
iam religionis ergò, ut illius temporis persuasio
erat, Hierosolymam & post aliquot años Com-
postellam in Hispanias profectus est. Postea Im-
peratoris Maximiliani I. aulam eiusq; bella Bel-
gica & Venetiana secutus est, ipsique ob virtu-
tem, fidem, & singularem nauatam operam
charus fuit. Maternum genus duxit à Mega-
polensium Ducum illust. familia vetere & regia,
ex qua orta est Catharina piissima foemina
principis MAGNI filia, In quo cum aliae virtu-
tes Magno & sapiente principe digna, tum exi-
mia reverentia erga literas & doctrinarum stu-
dia fuit, eaque velut in primis Reipub. guber-
nandae necessaria & salutaria amavit.

Nativitas.

Mauritius in celebri metallorum Vrbe
Friberga Misnica 12. Calend. Aprilis Anno
post CHRISTVM natum millesimo quingen-
tesimo vicesimo primo in lucem vitalem editus
est.

est. Petrus Apianus insignis Mathematicus inspecta eius genitura, prædixit heroica animi & corporis præ eminentia dona præstantia, & tandem infelicem & sane immaturum exitum principis, nec postea eventus defuit.

Annum agens ætatis vicesimum Anno nimirum CHRISTI 1541. Agnetem optimi & bellicosi principis Philippi Hæssie Landgravii filiam natu maximam coniugem elegit. Et patris laudatissimi ducis demortui gubernationem conditionis totius & hæreditatem adiit, summa ordinum omnium gratulatione, ante annos, animumque gerens, curasque viriles, atque in primo limine principatus Ecclesias & Academies ditioris visitari constituit, summa liberalitate collapsas restituit, conseruavit, & tres eximias & illustres scholas de novo aperuit. Dresdam Lipsiamque firmissimis operibus munivit, arcesque novas magnificentissimis ædificiis extruxit, & veteres aliquot restauravit.

*Coniugium
& Principatus.*

His aliisque pacis vel artibus vel naturæ ornamentis nemini secundus, bellica tamen virtute & laude magis excelluit.

Ter cum agnato Ioh. Friderico Electore ad arma devenit. Primo quidem de oppido Episcopi Misnensis Vurcen ad Muldam sito, in quo uterque tributum belli Turcici causa indictum, colli-

*Civilia bella
1542.*

colligendi jus sibi competere contendebat, dissi-
dium adeò atrox & acerbum inter ipsos exarsit,
ut suos utrinque ad arma & quidem in ipsis Pas-
sionis & resurrectionis Christi ferijs conuoca-
rent, sed interuentu Philippi Halsiæ Landgrauij
soceri Mauritij bellum diremtum quidem, sed
animorum offensiones non sublatae sunt.

Secundò cum ditiones sobrini Ioh. Fride-
rici Elect. à Carolo Cæsare proscripti cum Fer-
dinandi Boemiæ regis copijs inuasisset, patriã &
subditos respiciens Imp. mandatis & suo officio sa-
tisfecisset, vim & iniurias à se & suis ùdiq; ppullas.

Tertiò cum ab eodem omnib. propè diti-
onibus exutus ad vim eius depellendam suaq; re-
cuperanda sese tandem cum Cæsare & Ferdi-
nando coniungere coactus fuisset, atq; propè
Mulbergam fulo fugatoq; exercitu & capto ipso
Electore præclarum virtutis specimen ederet.
Ideoque in castris Archimarschallatus Electo-
ratusq; dignitate cum magna parte harum diti-
onum auctus & ornatus esset.

Externa.

Primò in Vngaria ad Pestum Mauritius tã-
quã in militiae disciplinam profectus spontè &
voluntate sua cū 1000. Equitib. ad Christianorū
exercitum suis stipendiis sese adiunxit, atq, hu-
ius socius & confors dimicationis & periculi fu-
it, in quo bello memorabilis in primis Mauritij
virtus eluxit & documenta magnanimi & fortis
bellatoris dedit. Hostem n. Turcã valida manu
aliquo-

aliquoties aggressus, terrorem maximum ipsi incussit. Semel tamen in prælio & velitatione singulari circumfusus ab hostibus, cum vitæ discrimine equo deiectus, ac in terram prostratus est, quem iacentem turba & colluies barbarorum pressit, ac in apertum sanè vitæ & salutis periculum Dux coniectus fuisset, nisi à Bartolomeo Ribischio nobili Thuringio & latellite corpore suo, corpus Domini tegente & ictus hostiles excipiente tantisper impetum Turcorum sustinisset, donec equites Mauritanii advolarent, Turcos dissiparent, & dominum furori hostium subtraherent.

Secundò Carolo V. Imp. contra Gallia^{2.} regem Franciscum in obsidione ad Landersium voluntariè militavit, eoque officio singularem sibi Cæsaris benevolentiam & favorem conciliavit. 1543.

Tertiò iterum Cæsari cum exercitu lectissimo contra Gallum ipse & frater Augustus auxilio veniens hostes nimia alacritate & impetu aggressos, insignem ad D. Victorinum & Sandesirum reportant victoriam. 1544.

Quartò, socero Landgravio Hassiæ adversus Henricum Ducem Brunsvigiæ subsidio veniens, suo aduentu & intercessione pacifica insperatæ victoriæ compotem eum fecit. 1544.

B Quintò

5. ^{1552.} Quintò ad Magdeburgenses à Cæsare hostes
iudicatos & prosriptos bello persequendos cõ-
muni ordinum Imperij suffragio Dux militiae
creatus est, eosq; obsidione graui & longa undi-
que conclusit & cinxit, tandem eò compulit, ut
pacem petere & urbem conditionibus sanè to-
lerabilibus in tutelam Ducis dare coacti sint. In
quo bello & durante sanè obsidione collectam
militum manum in agro Hadelensi Verden-
si diocœsis Dux ipse incredibili fortitudine & vir-
tute dissipauit & repressit.

6. Sextò, his peractis arma in Cæsarem ipsũ in-
uitus quidem, & ut fidem socero captivo Land-
grauio Hassiæ datã, seruaret, ipsumq; liberaret,
conuertit, atque incredibili celeritate & impetu
Alpium Rheticarum fauces, superatis, captisque
Ereburgi môtis angustijs, qua iter ad Oenipontẽ
est, expugnauit, præsidioq; inde deiecto ad Oe-
nipontem properans, terrorem & fugã quasi imp. &
aulicis incussit, indeq; Patauiam recta pacifican-
di causa, hortatu & arbitrio Ferdinandi aliorũq;
Principum intercessione amica, se contulit. Vbi
has conditiones obtinuit, ut & Landgrauius li-
beraretur, & Pax Religionis perpetuè profiten-
tibus Augustanam confessionem daretur atque
7. firmaretur.

Postremò eius expeditio, ut victoria cæteris
illustrior, ita morte ipsius sola omnium luctuo-
sior

34
sior fuit, qua Albertum Marchionem Brandeb.
cum quo antea coniunctissimè vixisset, armis &
incendijs in patriam grassantem, & tandem à se
disiunctum & sibi dira minitantem ad vim eius
reprimendam, patriamq; impendentibus peri-
culis liberandam ad Sifridshusium vicum propè
arcem Peinam collatis signis fortissimè pugnas,
ingenti prælio vicit, & in ipso cursu victoriæ
globo parvæ machinæ traiectus accepto vulne-
re lethali tertio post die in castris vitam cum
morte commutavit Imp. Regioni, bonisq; o-
mnibus maximo sui suæq; virtutis desiderio re-
lictò, & sic intra 12 annos quibus hisce ditioni-
bus optimè præfuit, totidem ferè expeditionib.
bellicis ipse interfuit, cum vixisset annos 32.
Mens. 3. Dies 21. Horas 10.

*Pugna ca-
lamitosa.*

In juventute & prima eius pueritia statim *Privata
vita.*
ingens donorum varietas in natura & ingenio
Mauritij cum summa parentis optimi & præce-
ptoris Ioannis Rivij Atthendoriensis doctissimi *Tyrocinia
singularia.*
admiratione & elogio emicuit: quod humanū,
mite, prudens, graue, magnanimum, placabile,
moderatum, verax, justum, semper sibi constans,
hilare & latum, deniq; natiua bonitate & indole
verè Heroica & ad omnia summo Principe di-
gna præuolante excellens: Arma tamen magis
quàm libros amans, ut armis potius quàm literis
natum esset.

B 2 Aulam

Aulam sobrini & Electoris Ioh: Friderici aliquot annos secutus, cunctorum animos ad sui amorem admirationemque rapiebat; omniumque corda sibi devinciebat.

In aggrendendis reb. admodum circum- spectus providus, cautus, industrius, laboriosus & efficax consilio expeditus & manu promptus fuit.

Interior etiam & domestica ejus vita honestissimorum exemplorum pietatis veræ in Deum, temperantiæ, frugalitatis, continentia plena, & tamen erga omne hominum genus liberalissimus, & in consuetudine cotidiana valdè iucundus & perurbanus fuit. Venationis studio maximo flagavit.

*Portenta
preceden-
tia mortem*

Portenta & præfagia mortis hujus optimi Principis, Fabricius quidem multa recenset. Canum laniena, qua ad mortem usque dimicarunt. Strepitus in aere, Sanguineæ in herbarum foliis guttæ, hominum & equorum in campo illo, in quo conflictus habitus fuit, nocte intempesta auditi clamores, eiulatus item nocturni in oppidis.

In arce Perlini de statua solida Mauricij, nulla vi adhibita, delapsum caput est. Ipse quoque Viro cuidam optimo & docto, in domo flagrante, per somnium visus fuit.

Inte-

Intestina Sinerhusiæ condita, corpus è ca-^{Sepulchra}
stris Fribergum maximo omnium cum mæro-
re delatum in templo Mariano conditum, mo-
numento maximè insigni & regio.

Vnicam filiam Annam è conjugè illustr.^{Heredes.}
susceptam reliquit, quæ postea Principi Vranix
Vuilhelmo coniugio tradita est.

Huic Principi & bellatori egregio Geor-
gio Fabricius poeta excellens hoc scripsit Epi-
taphij loco Elogium.

Mauritius cecidit, bellax Germania plange

Amissa Imperij quanta columna tui.

In tua Mars armis cur impie viscera sevis;

Ecce tuum, cecidit seua per arma decus.

Mauritii tumulum, cernens Germania plange

Pectore magnanimo non habitura parem.



B 3

II. AV-



D



p
&
e
a
e
v
f
e
M
d
c
d
c



AUGUSTVS.
DUX SAXONIÆ, SEPTENVIR
 Imperij, MAVRITII frater, Henrici
 filius, Alberti nepos.



NATVS EST ILLVSTRISS.
 Dux in oppido insigni & metallar-
 io Friberga pridie Calend. Augusti
 Anno Seruatoris millesimo quin-
 gentesimo vicesimo sexto.

Nativitas.

Nomen AVGVSTI ab omine præiudiciali
 patris optimi suscepit, qui etiam varia indicia,
 & vaticinia de se habuit magnifica, quòd etiam
 euentus postea respondebat. A teneris enim
 annis præclaræ pietatis, sapientiæ, gravitatis, re-
 ctitudinis, maximique ingenii & singularium
 virtutum indoles in eo enituit. Ideoque cum
 fratre Seuerino in aula Regis Ferdinandi, adiun-
 cto ipsis studiorum formatore cum filijs regijs
 educatus est, & postea adolescens 18. annorum
 Mersburgensem Diocæsin post Sigismundi Lin-
 denau obitum administrandam suscepit: Ec-
 clesiarum inspectione & cura Georgio Anhal-
 dino Ernesti filio Principi religioso & docto
 commendata.

Ab augurio
 & à DEO
 consecrato
 non ab au-
 gendo.
 Indoles.

Milijs

*Tyrocinia
militaria.*

Militavit Carolo V. in Gallia & fratris Mauricij socius, & particeps victoriarum, fortitudinis & clementiæ in bellis Vngaricis, Gallicis, & Germanicis fuit, specimenque fortis & magnanimi Principis singulare dedit, & præcipuè in bello Gallico ad Landerfium singularem sibi Cæsaris benevolentiam & fauorem conciliavit.

Coniugium.

Christiani III. Daniæ Regis filiam Annam ingenio & omni virtute excellentem virginem heroinam coniugem 12. Octob. Anno Ch. 1548 duxit, & sacrum nuptialem Torgæ celebrauit, copulante eos Georgio Principe Anhaltino.

Principatum

Extincto in prælio cum Marchione Alberto Brand. ad Siuershusium fratre Mauricio, Augustus summa omnium subditorum studio & alacritate nec non veneratione nominis ipsius receptus est, ditionemque illius armorum tractatione aliquandiu dissipatam in statum pacificum restituit, & omnia ad pacem pertinentia procurauit.

In primis autem studia literarum & doctrinam veræ religionis summo perè amavit, & ad eam promouendam cogitationes & animū totum convertit, & quo conservari & ad posteritatem propagari possent, nulli curæ, operæ, & sumptui pepercit. Nec non summa liberalitate

ralitate Academias restituit, & amplissimis re-
ditib. atq; censu locupletavit, Patriæ & iudicijs le-
gib. correctis optimè consuluit, Sacerdotum pu-
pillis & viduis prospexit. Latrocinia, quæ locis
multis inualuerunt, severè coercuit.

Externa quidem bella, ut supra comme- *Bella.*
moratum est, gessit. Semel in Turcas pro R. epub.
semel pro Carolo V. Imp. contra regem Gallo-
rum, postremo in bello Germanico Carolo &
Ferd. operam suam strenuè nauavit, & singula-
rem autoritatem & fauorem sibi conciliavit.

Interna nulla habuit, pacem enim amauit
& coluit, per eumq; aurea pax armis & precib.
antea extorta, in conuentu Augustano postu-
lantibus & urgentibus Augustanæ confessionis *A. 1555.*
Principibus, in primis verò Augusto Duce reno-
vata, declarata, aucta & confirmata est.

In tota eius gubernatione pacem maximè *Vita priva-*
coluit, Germaniamque & dissidia intestina *ta*
Imperii studiosè sanctèque quoad potuit, se-
dauit, bonumque Principem nihil à patre
bono differre, exemplo suo declarauit. Diti-
onem ædificijs & structuris magnificis & mu-
nitio-

C

nitio.

nitio[n]ibus pro loco & tempore ornauit. In Im-
perio consilio & authoritate maximus, atque
ob fidem & præstantiam donorum Imp. 4: cha-
rus fuit.

Nec non in eo alia virtutes sapiente Princi-
pe dignæ, tum eximius quidam ardor & zelus
erga religionem veram propagandam & ad po-
steros conseruandam enituit, & in trigessimum
ferè annum patriæ magna cum laude prudentiæ,
iustitiæ, bonitatis, clementiæ, & amoris ac stu-
dij publicæ pacis & tranquillitatis tuendæ præ-
fuit. Exemplo Ottonum Imp. iam ætate corro-
borata linguam latinam didicit, & quocunque
cum aut animi aut ingenij impetus tulit, id na-
turæ bonitate & assiduitate intentionis facili-
mè consecutus est. Fuitq; Princeps miræ seueritatis
in delinquentes, & ad rem familiarem attentis-
simus, reditus auxit, & ædificia omnibus in lo-
cis reparauit. Inuenit lateritia ædificia, & reli-
quit marmorea, Dresdæ urbi impensè commo-
dauit.

*Princeps
ingeniosis-
simus.*

Æquus iudex diuiti & pauperi extitit. Cum
videret aulicos & satellites humilibus personis
secum loqui cupientibus, accessum liberum ad
se prohibere, sapius dixit: Date unicuique acce-
dendi

*Affabilitas
in Principe.*

dendi locum. Non enim propter hoc ad fa-
stigium sum à DEO destinatus, ut hominibus
in arca præcludar, quod etiam Rudolphi I. Im.
Rom. dictum fuit. Pro symbolo habuit: Do-
mine conserva me in vera agnitione Filii tui.

Animi deliquio miro & virium corporis
defectu subito abreptus est XI. die Febr. cum
paucos ante menses nuptias secundas cum Ha-
gna Hedvigi Anhaltina Ioachimi Ernesti filia
apud sponse parentes celebrarat, & reliquerat
ex prima coniuge Anna regia sobole, & XV.
plantis cœlestibus mater fœcunda Christianum
filium, unicum hæredem paternorum bonorũ
& honorum, & filias tres, Elisabetham, Ioanni
Casimiro Palatino, Annam Ioa: Casimiro Duci
Saxonie Coburgi aulæ sedem habenti, & Do-
rotheam Henrico Iulio Duci Brunsvicensi elo-
cata. *M*

Obitus.
1586.

Augustum vir doctus hoc elogio honora-
vit:

*Justicia Josaphat, David pietatis honore
Præ reliquis Salomon pace celebris erat.
Augustus maiora refert ingentibus ausis
Singula namq; illis sunt data, cuncta at ei
Ergo*

*Ergo tot ornatus fuerit cum dotibus unius
Quid viguit viro hoc maius in orbe duce?*

Fribergę magnificentissimę tumulatus.



II. CHRIS



CHRISTIANVS I.
SAXONIÆ DVX SEPTEM
uir Imperij, Augusti filius, Henrici
nepos, Alberti abnepos.

Nativitas.



ILLVSTRISS. DVX CHRISTI-
anus natus est anno millesimo
quingentesimo sexagesimo Dresdæ
4. Calendarum Nouemb. patre Au-
gusto Principe laudatiss. veræ Reli-
gionis observatore, ~~ch~~ritore ac nutricio munifi-
co & Iustitiæ, pacisque publicæ custode fido,
Matre Anna Regis Daniæ Christiani III. opti-
mi: vereq; Christiani, & laudatissimi filia, inge-
nio, prudentia, & alijs omnibus regiae matronæ
virtutibus ornata heroina præstans.

Educatio.

Puer ab utroque parente ad amorem pi-
etatis & veræ de DEO doctrinæ, ad modestiam,
temperantiam & conuenientem Principi ado-
lescenti grauitatem morum, pari humanitate &
mansuetudine temperatam, & quidem
summa cum animaduersione sedulo institutus
& iussuefactus est. Formatore studiorum adiun-
cto Doctore Paulo Vogelio Iurisconsulto, poli-
ti ingenij & doctrinæ linguis literisq; exculto, &
singulari morum grauitate venerando.

Cum

Cum vigesimum primum ætatis annum *Coniugium.*
compleuisset, data est ei in matrimonium, So-
phia Illust. Electoris Ioh. Georgij March. Brand.
filia pietate & modestia singulari & admiran-
da prædita atq; à patre simul ipsi gubernationis
politice administratio tradita est. In publicis
enim Camera & Cancellæ iudicijs ipse præse-
dit, & cum Consiliarijs ex nobilitate delectis, &
Iuris legumq; peritis controversias ipse audiuit,
& iuste ac legitimè diremit.

Post obitum patris prouinciarum guberna- *Admini-*
tionem totam non exiguis cum difficultatibus *stratio.*
& oneribus coniunctam suscepit, atque omni-
bus virtutibus bono Principi & patri conveni-
entibus, amore & studio veræ & sinceræ pieta-
tis, beneficentia erga subditos, iustitia, veritate,
clementia, comitate & fide excelluit. *Natura.*
Natura siquidem eius fuit ingenua, verax & candida o-
mnis fuci, simulationis, doli & fraudis expers,
osor superbiæ, amorem & indignationē prom- *Ingenium,*
tam in fronte gerens, splendide elegantie & ar- *Mores.*
tificiosi ordinis & ædificiarum studiosus. Casti
pudoris decus in coniugio amore mutuo, suavi, *Progenies.*
sincero & constanti, & fide eximia seruauit, in
eoque tres filiolos & totidem filias Illust.
DVCVI Saxoniæ familiam ad posteritatem

DEO

DEO iuuante & benedicente propagaturos pro-
creauit.

Mora.

Vt autem ignis quò clarior fulsit, eò citius
extinguitur, & ingenia quæ illustriora, breuio-
ra sunt, ita Princeps ille Christianus tot prouin-
ciarum & ditionum amplitudine, opib. & glo-
ria florens, cum alioquin firmo & robusto cor-
poris habitu esset nondum completo ætatis an-
no tricesimo primo, in ipso flore & cursu rerum
& ætatis vivere desit, ut de ipso Virgilianum il-
lud rectè usurpare possimus: Ostendent ter-
ris hunc tantum fata, nec ultra esse sinent.

Itaque improuisa & graui ægritudine op-
pressus ex hac mortali & verè calamitosa, in cœ-
lestem, & omnium curarum, dolorum & ango-
rum expertem vitam & gloriam inexplebilem
translatus est Anno Christi 1591. Die 25. M. Sep.
Et ut verè ros, vapor, umbra, tumor, puluis, nix,
somnia, fumus, spectrum, pluma, ratis, transitus,
aura, cinis, nostra vita sit, hoc exemplum heroi-
ci Principis sanè illustrat. Cui in templo S. Cru-
cis Dresdæ tale Cœnotaphium magnificè ere-
ctum est.

Sic erat ensiferi de Christi nomine dicti

Effigies, oculi, crura, statura, gena.

Hac germana fides, pectus sublime beatum

Prole & se digna coniuge coniugio

Vita

Vita brevis, sat longa tamen, dum vita saluti
Consuluit patria, dum pia mors anima,
Qui placide moritur, satis hic bene vixit, Et illic
Hec quæ non oculus gaudia vidit, habet.
& in templo Mariano Fribergæ tumulatus.

Pro commonefactione fugacitatis vitæ hu-
manæ, hoc in loco festivam illam narrationem
somnia vitæ nostræ scitissimè depingentem,
quam Ludoicus Viues in Epistola quadam de
Philippo bono cognominato Burgundiæ Duce
commemorat, adscribendam duxi, quæ etsi
ἀποσδιόνυστος fortasse videbitur, tamen ut de vitæ
humanæ fragilitate & felicitatis hominum tam
superiorum quàm infimorum somnio attenti-
us hac etiam occasione cogitemus, breuiter reci-
tare libet.

NOcte quadam à Cœnâ cum aliquot præci-
pue aulicorum per urbem Mechliniam de-
ambulans Philippus bonus Burgundus, iacen-
tem conspicatus est, medio foro hominem de
plebe ebrium, altum stertentem.

*Festiva
narratio de
fugacitate
vitæ huma-
næ.*

In eo visum est experiri, quale esset vitæ no-
stræ ludicrum, de quo sæpius illi essent collo-
cui. Iussit hominem deferri ad palatium, & lecto
ducali collocari, nocturnum Ducis pileum ca-
piti eius imponi, exutaque sordida veste linea,
aliam è tenui ssimo ei lino indui.

D

De mane

De mane ubi evigilavit, præstò fuere pueri nobiles, & cubicularij Ducis, qui non aliter quàm ex Duce ipso quærerent, an luberet surgere, & quemadmodum vellet, eo die vestiri.

Prolata sunt Ducis vestimenta regia. Mirari homo, ubi se eo loci vidit: indutus est, prodijt è cubiculo, adfuère proceres, qui illum ad sacellum deducerent: Interfuit sacro, datus est illi osculandus liber & reliqua penitus ut Duci.

A sacro ad prandium instructissimum, à prandio cubicularius attulit chartas lusorias, & pecuniæ acervum, lusit cum magnatibus sub le- rum, deambulavit in hortulis, venatus est in leporario, & capit aliquot aues aucupio. Cœna peracta est pari celebritate quàm prandium, accensis luminibus inducta sunt Musica instrumenta, puellæ atq; adolescentes nobiles saltarunt, exhibitæ sunt fabulæ: hinc commessatio, quæ hilaritate atq; inuitationibus ad potandum producta est in multam noctem. Ille verò se largiter vino obruit præstantiss. & collapsus in somnium altissimum. Iussit eum DVX vestimētis priorib. indui, atq; in eundē locū reportari, quo prius fuerat repertus. Ibi transegit totā noctem dormiens. Postridiē experrectus capit secum de vita illa Principali cogitare incertum habens, fuisset ne res vera, an visum, quod animo esset per quietem observatum. Tandem collatis

collatis conjecturis omnibus atque argumentis
statuit somnium fuisse, & ut tale, uxori liberis
ac vicinis narrauit. Quid igitur interest inter
diem illius & nostros aliquot annos? nihil pe-
nitus, nisi quod hæc est paulò diuturnius so-
mniū, ac si quis unam duntaxat ho-
ram, alter verò decem somni-
asset.

F I N I S.



Faint, illegible text, likely bleed-through from the reverse side of the page.



Cum de optimorum & Illust:
Principum vita, quæ multarum &
magnarum virtutum exemplis plenissima est, de quæ
illorum rebus gestis heroicis pro dignitate hisce prio-
ribus pagellis dictum scriptumve non sit, de consilio
quorundam, Doctissimi & Consultissimi viri, Dn.
NICOLAI REVSNERI Iurisconsulti, Comi-
tis Palatini Cæsarei Elogia eorum carminicè
reddita & exactè scripta appendicis loco
addere placuit.

I.

HENRICO pio, forti, & pacifico.

*P*ectore quàm celsus princeps, tam moribus æquus,
Et pius, & vera simplicitate bonus.
*P*ropugnatq; fidem rectam conamine magno,
Principis inde pijs nomen & omen habet.

MAVRITIO Principi fortissimo
& bellicosissimo avitæ gloriæ æmulo strenuo, ideoq;
merito cum ob ætatem, tum ob gubernationem &
res maximas domi forisq; gestas ALEXANDRO
magno comparandus.

*V*ictor obit victo, dolor, ictus ab hoste? sed expers
Funeris, immenso vivit in orbe Decus.

Apo.

Apophthegma ejus atq; dictterium, quod
sapius in ore habuit, recenset Petrus Albinus: Dicere
enim solitus est: Nullum alveum fluminis esse tam
profundum, qui non posset vadari aut transmitti, sed
hoc *ovò Jēp*, qui precantes exaudiat, laboriosis præsto
sit, & credentes adjuvet Quod sanè, quantus in eo fu-
erit animus, quaq; constantia, indicat, quo meritò e-
jus vita, quoad ætatem & numerum annorum & pu-
gnarum, cum Alexandri Magni heroicis actis confe-
renda.

AUGVSTO Principi incompara-
bili, Imperij columnæ, flori Europæ, patri patriæ, nu-
tritio & altori Ecclesiarum, Musarum & Literatorum
tutori, religionis purioris vindici, Iusticiæ & Iuris as-
sertori.

*Imperij Sacri, Septemvir & inclytus heros
Cæsaris Augusti nomen & omen habet.
Mente pius, pietate gravis, gravitate verendus
Consilio prudens, justiciâq; potens
Cæsarei vindex decoris cum fratre triumphat
Signa per Atrebates bellica quondo movet.
Armorum patriam formidine solvit: & altæ
Expugnat victor Martia castra Gothæ
Iam Fora, Tempia, scholas augens, & pace serenans
Augustâ, populis jura dat æqua suis.
Augeat Augusto regnum Deus, augeat annos,
Floreat æternis aucta propago bonis.*

CHRI-

CHRISTIANO PRINCIPI
omnibus animi, corporis, ac fortunæ
bonis excellentissimo & ornatissimo.

*Pace potens belloq̄, sui flos inclytus ævi
Christianus Princeps Saxonis ille domus.
Imperij sacri columen simul et decus: Heros
Mente vigil, fortis pectore, corde catus
Fervidus ingenio, comis sermone, seuerus
Vultu, re constans, sensibus innocuus
Iusticie cultor, rigidi servator honesti
Et fastus osor, fraudis & hostis atrox
Bis sex vix lustris, & denis mensibus actis
Occidit heu gentis fida columna sue
Magnus Menander sic, hujus & æmulus alter
Mauritius patruus, concidit ante diem.*

SERL

Vc. 2751. 8

ULB Halle 3
002 691 590




St

Reber ✓

M.T.







B.I.G.

Farbkarte #13



SYNOPSIS
ET RERVM
ESTARVM

IVMPO
ISS. PRINCI-
SAXONIAE
ECTORVMQ.
IMPERII

Nimirum
AVRITII
VGVSTI &
CHRISTIANI
æ recordationis,

VIENÆ
Steinmanni Anno 1597.



30
29

